

## XVII դ. ԲԱՆԱՍՏԵՂՄ ՍՈՒՔԻԱՍԸ

### ՀԱՍՄԻԿ ՍԱՀԱԿՏԱՆ

XVII դ. բանաստեղծությունը հայ միջնադարյան տաղերգության օրգանական շարունակությունը լինելով, միաժամանակ մի շարք տիպական առանձնահատկություններ ունի, որոնք պայմանավորվում են տվյալ ժամանակաշրջանի պատմաքաղաքական ու սոցիալ-տնտեսական հանգամանքներով: Սկսած XVII դ. կեսերից հայ բանաստեղծության մեջ ավելի անսքող և կոնկրետ ձևերով են հանդես գալիս աշխարհիկ մոտիվները, փոփոխություններ են տեղի ունենում կրոնական տաղերի ներքին բնույթի մեջ, առավել հախուռն ու շոշափելի է դրսևորվում հեղինակների մտածողությունն աստիճանական դեմոկրատացումն ու ժողովրդականացումը: Մի հանգամանք, որի շնորհիվ լայնանում է բանաստեղծության թեմատիկ ընդգրկումը, և լեզուն ջատ դեպքերում մոտենում ժողովրդական-խոսակցականին<sup>1</sup>: Այս երևույթները որոշակիորեն ու բանաստեղծական բարձր արվեստով են արտահայտվում հատկապես XVII դ. շնորհաշատ<sup>2</sup> և ինքնատիպ հեղինակների՝ Դավիթ Սալաձորցու, Քոսա Երեցի, Մարտիրոս Ղրիմեցու, Երեմիա Դյոմուրճյանի, Օքաուզ Ավետիսի, Հովհաննես և Սարգիս Հալեպցիների, Անդրեաս Արծկեցու և վերջապես Նաղաշ Հովնաթանի երկերում, որոնք մի տեսակ ամփոփում, ամբողջացնում են ուշ միջնադարի հայ բանաստեղծությունը: Միաժամանակ նկատվում է, որ XVII դ. երկրորդ կեսին հանդես եկած որոշ բանաստեղծներ, օրինակ՝ Իգնատիոս Համթեցին, Սիմեոն Կաֆացին, Ստեփանոս Դաշտեցին և ուրիշներ, մեծ ուշադրություն են դարձնում ոտանավորի ձևական կողմին և ձգտում լեզուն կարելույն չափ մոտեցնել այսպես կոչված պարզ զրաբարին<sup>3</sup>, որը տիրապետող է դառնում ավելի ուշ՝ XVIII դ. մի շարք բանաստեղծների երկերում:

Այս կարգի բանաստեղծներից է նաև Սուքիասը, որի բանաստեղծական ժառանգությունը դրեթե անձանոթ է ընթերցող հասարակայնությանը, քանի որ նրա՝ մեզ հայտնի 53 ոտանավորներից միայն հինգն են հրատարակված, այն էլ վաղուց, այժմ արդեն հազվադեպ դարձած հետադի տաղարաններում<sup>4</sup>: Բանասիրությունը ևս համարյա լուսվյալ է անցել այս բանաստեղծի կողքով: Տողբերի հեղինակը իր «Ուշ միջնադարի հայ բանաստեղծությունը» աշխատությունից մեջ միայն թեթևակի անդրադարձել է նրա մի քանի ոտանավորներին: Ուստի մեր նպատակն է ինչ որ չափով լրացնել այդ թերին, ընթերցողներին ծանոթացնել Սուքիասի ստեղծագործությանը և համառոտակի բնութագրել XVII դ. այդ ինքնատիպ բանաստեղծին:

Սուքիասը 1702 թ. հորինած «Թ բուր սրտէ մեղուցեալ մարմնոյս սկսվածքով իր ոտանավորում<sup>5</sup> ասում է, որ այն գրելիս եղել է 66 տարեկան: Հետևաբար, նա ծնվել է 1636 թ.: Նա սովորություն է ունեցել ծածկագրերով հայտնելու իր ոտանավորների գրության թվականները: Մեզ հայտնի վերջին տարեթիվը 1707-ն է: Թե գրանից հետո էլի ինչքան է ապրել, հայտնի չէ: Նույն ոտանավորներից կարելի է քաղել նաև մի քանի այլ տեղեկություններ: Օրինակ՝ «Իմ տիրաշէն քաղաք մարմնոյս սկսվածքով ոտանավորից<sup>6</sup> տեղեկանում ենք, որ Սուքիասը կանոնավոր հոգևոր կրթություն է ստացել «Ի քրիստոս» (նրա հայրն էր Սուքիասը) Սուքիասի ստեղծագործության հեղուկության տեսութեան շարք սկսվածքով ոտանավորից<sup>7</sup> հայտնի է դառնում, որ ապրել է ստեղծագործել է Վանում, իսկ «Երևանին, դիւաց բանսարկուին» տողով սկսվող ոտանավորից<sup>8</sup> իմանում ենք, որ 1689 թ. զրպարտվելով՝ ձերբակալվել ու ճ ամիս մնացել է բանտում:

1 Այս հարցերի մասին ավելի մանրամասն տե՞ս Հ. Ս ա հ ա կ յ ա ն, Ուշ միջնադարի հայ բանաստեղծությունը, Երևան, 1975:

2 Սուքիասի 27 ոտանավորների քննական բնագրերը կհրատարակվեն մեր կազմած «Ուշ միջնադարի հայ բանաստեղծությունը» (բնագրեր) ժողովածուի Բ հատրում:

3 Մ. Մաշտոցի անվան մատենադարան (այսուհետև՝ Մատենադարան), ձեռ. № 1635, Թ. 40ա—40բ:

4 Նույն տեղում, Թ. 10բ—11ա և ձեռ. № 10167, Թ. 41բ:

5 Նույն տեղում, Թ. 24բ—25ա և ձեռ. № 6588, Թ. 56բ:

6 Նույն տեղում, Թ. 25բ—26բ և ձեռ. № 6588, Թ. 27բ—28բ:

Սուքիասի ստեղծագործությունն մեջ գերակշռում են կրոնա-մեղադրական բանաստեղծու-  
թյունները, որոնցում նա կանոնիկ ձևերով խոսում է իր գործած ու շարժած «մեղքերի» մասին,  
առաջին հերթին շեշտելով, որ հաճախ է անտեսում հոգևորն ու հակվում դեպի աշխարհայինը.

Քան զաստուծոյ սէրն առաւել զիս կամեցայ,  
Ի ցանկութիւն սուտ աշխարհիս հետեւեցայ,  
Անյուսութեամբ զհանդերձեալ կեանս չիմացայ,  
Մեղայ, մեղայ, բիրապատիկ գլորեցայ՛:

Սէր զաշխարհիս յայժ սիրեցէր,  
Զփառս սորին ընդգրկեցէր,  
Զաստուծոյ սէրն յետ ձգեցէր...<sup>3</sup> և այլն:

Դժվար չէ նկատել, որ ինչպես XVI—XVII դդ. բազմաթիվ այլ հեղինակների, այնպես էլ  
Սուքիասի ապաշխարությունն այլևս նախորդ դարերի բանաստեղծների ապաշխարության ան-  
միջականությունը չունի: Նրա մեղադրական ոտանավորները Վրթանես Առնկեցու, Քորոս Ստամ-  
բուլցու, Գալուստ Ամասիացու և ուրիշ ժամանակակիցների ոտանավորների նման մեծ մասամբ  
չոր ու ցամաք գործեր են, որոնցում նա մեկ առ մեկ առարկայական կոնկրետություն արձա-  
նագրում է իր «մեղքերը»՝ ավելի ազգեցիկ լինելու համար գույնները խտացնելով: Այդ թվար-  
կումների մեջ քիչ թե շատ ուշագրավը, թերևս, հեղինակի հոգևոր պաշտոնի հետ կապված զան-  
ցանքներն են.

Սնափառ հուպամամբ զպատիկ սիրեմ,  
Հպարտիս հակայից յաթոռ նստեալ եմ...  
Քան զլափն առաւել աւելահոգ եմ,  
Ոչ թէ վասն աստծոյ, այլ զի հպարտ եմ...  
Իգապէս հանդերձիք խենեշ պճնեալ եմ  
Եւ ոտից ընթացիք զիս յանդիմանեմ,  
Մաղրբես, մեծածայն, զետ փուշ ճարճատեմ...<sup>9</sup> և այլն:

Ուրիշ օրինակներ էլ կարելի է բերել ցույց տալու համար, որ Սուքիասը շատ և բազմակող-  
մանի է անդրադարձել քրիստոնեական «մեղքի» գաղափարին, բայց, չնայած ինքնադատապարտ-  
ման, ինքնախարազանման բազմաթիվ արտահայտություններին, ոտանավորներից չի զգացվում,  
թե խորապես հուզված է եղել այդ «մեղքերը» կատարած լինելու համար կամ թե ապրել է  
հոգեկան մեծ խռովք: Ծիշտ է, նրա ոտանավորներում քիչ չեն աստուծուն ուղղված մեղադրական  
բառերը («Տե՛ր, ողորմես անառակիս», «Փրկեա զիս, աստուծած» և այլն), բայց դրանք ոչ թե  
նրա սեփական հույզի արտահայտություններն են, այլ անցյալից ավանդաբար եկող բանաձև-  
վեր, որոնք հատուկ են դասական նույնատիպ բանաստեղծություններին: Սրա պատճառն այն  
է, որ Սուքիասը քրիստոնեական կրոնի հիմնական դրույթներից մեկը՝ հոգու և մարմնի անընդ-  
հատ հակամարտությունը, չի համարում հոգեկան խոր ողբերգություն, ինչը հատուկ էր տա-  
ղերգուններին: Նա օժտված է իր ժամանակի հարաբերություններով պայմանավորված մտածո-  
ղությունը ու հոգեբանությունը և, ինչպես XVI—XVII դդ. հեղինակներից շատերը, հոգու և մարմ-  
նի հակամարտությունը դիտում է որպես անհատի կամքից անկախ մի բան, ուստի և ներքուստ  
իրեն այնքան էլ պատասխանատու չի զգում զրա համար: Նրա սիրտն այլևս այնպես չի կրակ-  
վում, ինչպես իր նախորդների սրտերը: Նա եկել է այն համոզման, թե հեղինակի օրինակով կա-  
տարվող աղոթքները միանգամայն բավարար են թողություն ստանալու համար: Դրա համար էլ  
ամենևին պատահական չէ, որ նրա ոտանավորների մեջ զգալի քանակ են կազմում բարոյա-  
խարատական բնույթի հորդորները, որոնցով նա, որպես հոգևոր առաջնորդ, աղոթքի միջոցով  
ապաշխարության է մղում իր հոտին.

7 Նույն տեղում, թ. 24ա:  
8 Նույն տեղում, թ. 11ա և ձեռ. № 6588, թ. 24բ:  
9 Նույն տեղում, թ. 19ա.—19բ:

Ժիր և արի լեր ի յաղօթս,  
Մի՞ ձանձրանալ յաշխարհի գոռս...  
Մանուկ, կամիմ գրեզ բան խօսել,  
Ջիւրս իմաստից ուսուցանել,  
Ուշիմ մտօք առ այս հայկւ,  
Որով կարող լիցիս ապրել:

Յիշեա զմեզս զոր գործեցիր,  
Բացց ի յիշելն զզուացիր,  
Մի՞ սակս մեղաց յուսահատիր,  
Այլ վերստին առ Տէր դարձիր<sup>10</sup>:

Ինչպէս երևում է մեջբերված հատվածից, Սուքիասի կարծիքով հարկ չկա ինքն իրեն շատ տանջելու և հուսահատվելու. «մեղքերը» քակելու համար բովական է կրկին դառնալ դեպի տերը և աղոթել: Սա պարզ վկայությունն է այն փոփոխության, որը տեղի է ունեցել ժամանակի բանաստեղծների մտածողության ու հոգեբանության մեջ և ինքնաբերաբար արտահայտվել ապաշխարության ոտանավորներում ևս: Այսինքն՝ աստիճանաբար կյանքում հաղթանակազ աշխարհայինը նույնիսկ հոգեորական հեղինակներին է ստիպել փոքր ինչ այլ կերպ վերաբերվել իրենց դավանած կրոնի դոգմաներին:

Սրանով է պայմանավորվում նաև XVI—XVII դդ. շատ հեղինակների, այդ թվում նաև Սուքիասի, ապաշխարության տաղերի բանաստեղծականության պակասը՝ անցյալի համեմատն սաղերի համեմատությամբ. այն, որ հուզական պատկերների փոխարեն նոր հեղինակներն աշխատում են ոտանավորն առատորեն հագեցնել ձևական հնարանքներով, պարտադրել կերպով պահպանել ծայրակապերը, կրկնականները, թեկուզև դրանք լինեն բունազբոսիկ, քիչ առնչվեն, իսկ երբեմն նաև ամենևին շտնչվեն բանաստեղծության կամ տվյալ քառատողի իմաստին, օգտագործել դժվարահունչ, ճոռոմ, «գեղեցիկ» բառեր և այլն: Բերենք երկու օրինակ.

Բէն բարունոյ ըէնատեսին,  
Բարունաբար ըհտոր բամին  
Բամեալ բաղիկ, բախճան բոտին,  
Բամկականաց ըէնականին<sup>11</sup>:

Ի տոռունս ծուլութեան համալսպի մեղաց  
Վարակեալ ըմբոնիմ յորոգայթ դիւաց,  
Սկսեալ ի բարիս դանդաղ և կասկած,  
Վաղափոպ խափանիմ, փրկեա զիս, աստուած<sup>12</sup>,

XVI—XVII դդ. հայ բանաստեղծության աշխարհիկ մոտիվներից մեկը մարդու կյանքի բրնախտական շրջանների նկարագրությունն է, մտորումները մարդու տարբեր հասակների մասին: Այս տիպի ոտանավորներում շոշափվում են հասարակության մեջ մարդու գրաված տեղի, նրա դիրքի, ծնված օրից մինչև վախճան ձգվող ճանապարհի և այլ իմաստասիրական հարցեր: Այս թեման առավել վարպետությամբ մշակել է Հակոբ Թոխաթցին՝ Անտուած ստեղծեաց զմարդն առաջին՝ սկսվածքով ոտանավորում<sup>13</sup>: Նույն բնույթն ունի Սուքիասի «Իմ արիաքնն քաղաք մարմնոյս»<sup>14</sup> տողով սկսվող ոտանավորը: Մի հիմնական ընդհանրություն կա Հակոբ Թոխաթ-

10 Նույն տեղում, թ. 14ա, 16ա:

11 Նույն տեղում, թ. 56բ:

12 Նույն տեղում, թ. 21բ:

13 Նույն տեղում, ձեռ. № 1636, թ. 124ա—128բ և ձեռ. № 10066, թ. 35բ: Հրատարակված է «Բազմավեպ», 1856, էջ 208—211:

14 Մատենադարան, ձեռ. № 1067, թ. 41ա, ձեռ. № 1635, թ. 10բ—11ա, ձեռ. № 6588, թ. 24ա—24բ (այսուհետև մեջբերումները մեր կազմած քննական բնագրից են):

ցու և Սուբիասի տաղերի միջև, Գա այն է, որ երկու հեղինակներն էլ ելնում են այն սկզբուն-  
 բից, թե բնախոսական գործոններն են մեծ մասամբ կանխորոշում մարդու վարքագիծն ու  
 տեղը հասարակության մեջ, Սուբիասը, օրինակ, քալլ առ քալլ հետևելով այն փոփոխություն-  
 ներին, որ տեղի են ունենում մարդու հասարակական դիրքի, նրա ու շրջապատի փոխհարաբե-  
 բությունների մեջ, տարիքով ու բնախոսական հանգամանքներով է բացատրում նրա բնավո-  
 բությունն ու հասարակական կեցությունը: Մանուկ հասակում մարդն ուսանում է, քանի որ այդ  
 է պահանջում նրա բնախոսական վիճակը, պատանեկան տարիներին նույն պատճառով նա կա-  
 տաղի է վայրի գազանի նման, իսկ երբ բոլորում է երեսուն տարին, ապա անխուսափելիորեն  
 րնկնում է հաղար ու մի մեղքերի մեջ.

Իսկ յերեսուն եղէ յափով կատարեալ  
 Երիտասարդ՝ հզոր ախտիւք յգիպցեալ,  
 Ահ ու զար, ահ ու զար եղև,  
 Համայն ցնորք կենաց կկեալ պաշարեալ,  
 Եւ այն անցեալ օրերս ահ ու զար եղև:

Այսպես՝ նա մեկ առ մեկ նկարագրում է մարդու տարբեր հասակները՝ գնալով ավելի ու ավելի  
 թախծոտ դարձող տողերում: Ահա ծերության պատկերը.

Այնուհետև ալեխառնեալ ծերացայ,  
 Տկարացեալ, ցաւօք բաքմօք մաշեցայ,  
 Ահ ու զար, ահ ու զար եղև,  
 Օր մի առողջ, օր մի ցաւօք տանջեցայ  
 Եւ այն անցեալ օրերս ահ ու զար եղև:

Ուրեմն՝ ծեր հասակում Սուբիասի համար ողբերգությունը ոչ այլ ինչ է, եթե ոչ ֆիզիկական ու-  
 ժերի աստիճանական անկումը, որը նրան դրկում է կյանքը, աշխարհը վայելիլու հնարավորու-  
 լիան հաղթել է աշխարհային և նրա՝ ոտանավորի վերջում ասած մեղալականը՝ «Ջանթիւ մեղս  
 ի՞նչ շնչել հայցիմ Գթածին», շատ է բռնազորոս ու չի համոզում, քանի որ անհարիբ է տաղի իրա-  
 պատում ոգուն, որը, ինչպես նկատեցինք, մարդու երջանկությունն ու ձախորդությունները կա-  
 պում է ոչ թե երկնային ուժերի, այլ երկրի վրա գրաված նրա դիրքի ու վիճակի հետ, թեև,  
 լուրհե, այս հետևությունը ստացվում է ինքնաբերաբար:

Քանի որ մարդն իր կյանքի բնախոսական փոփոխություններով անգամ դառնում է բա-  
 նաստեղծության առարկա, ապա, բնականաբար, ժամանակի բանաստեղծության մեջ առա-  
 տանում են նաև այնպիսի ոտանավորները, որոնցում արտացոլվում են մարդու սպորումներն  
 այս կամ այն դեպքի, ստեղծված այս կամ այն իրավիճակի կապակցությամբ: Ծթե հեղինակ-  
 ների կյանքում տեղի ունեցած դեպքերն անցյալներում կարող էին նյութ տալ լուի հիշատակա-  
 րանային բնույթի երկերին, ապա այժմ դառնում են նաև քնարական բանաստեղծության ա-  
 ռարկա: Այսօրինակ բանաստեղծություններ են XVI դ. հեղինակ Եղիա Բերկրցու «Տաղ ի յար-  
 գնլանս ու վասն անձին»<sup>15</sup> և Սուբիասի ժամանակակից նփրեմ Ղափանցու «Թէ հարցանեք  
 դասն իմ քանիս»<sup>16</sup> ոտանավորները: Գրանց շարքում է նաև Սուբիասի «Ելշխանին, դիւաց բան-  
 սարկուին» սկսվածքով տաղը, որում նա պատմում է իր կյանքում տեղի ունեցած ամենածանր  
 իրադարձությունը, այն, որ ընկերակից կրոնավորների զրպարտությանը ձերբակալվել և ըն-  
 կել է բանտ: Թեև ոտանավորն ինքնակենսագրական հիմք ունի, սակայն այս հանգամանքը չի  
 նեոմացնում երկի սոցիալական արժեքը, քանի որ Սուբիասն օբյեկտիվորեն ներկայացնում է  
 ժամանակի համար տիպական սոցիալ-քաղաքական հարաբերություններ, այն, որ օտար բռն-  
 նակալների լծի տակ ապրող հայերը երբեք չէին կարող իրենց ապահով զգալ բռնություններից  
 ու հայաժանջներից և նաև այն, որ հայ հոգևոր դասի մեջ եղել են մարդիկ, որոնք շահադիտա-  
 կան նպատակներով բռնակալների ձեռքն են հանձնել իրենց ազգակիցներին՝ զրպարտելով ան-  
 սնդ մարդկանց: Ահա թե ինչպես է բանաստեղծն արտահայտում իր հուսահատ զայրույթն այդ  
 ստոր մարդկանց դեմ.

15 «Բազմավիպ», 1939, էջ 199:

16 Մատենադարան, ձեռ. Ձ 7717, Թ. 270բ—273ա:

Իշխանին, դիւայ ընսարկուին,  
Ո՛չ գիտեմ զինչ արարի...  
Ալլազգեաց և մերթ մեր ազնեաց,  
Տալով զիս ձեռքս ի ձեռաց,  
Արծաթի, ոսկւոյ և զանձաց  
Տէր ասելով հռչակած,  
Անհամար զայս զանձս մթերած,  
Ո՛չ գիտեմ զինչ արարի...  
Առաքեալ զօրօք ըմբռնեած,  
Մերկիկ և ըռկիկ, զլսիբաց,

Կապանօք ոտից և ձեռաց,  
Նրես ի քարչ է տարած,  
Վեց ամիս ի բանտի արգիլած,  
Նկ, զայս ծանր բեռն բարձ,  
Քրդստան երկրի պարոնաց  
Ո՛չ գիտեմ զինչ արարի...  
Մատնութիւնք միմեանց յուրված,  
Մինչ զի և մեք տուգանած,  
Մխիկ և Մարգար սեազլխաց  
Ո՛չ գիտեմ զինչ արարի...:

Նիլ զարմանալի չէ. որ շնայած բանաստեղծական զեղիցիկ պատկերների սակավութիանն ու շարդարանքի միահանգութիանը, ոտանավորը, այնուամենայնիվ, ընթերցողին հուզում է իր սուղիալական խորքով, հերոսի ապրումների թեև պարզունակ, սակայն քնարական նկարագրություններով և ժողովրդի խոսակցական լեզվին բավականաչափ մոտ հայերենով:

Մուքիասի ստեղծագործութիան առավել արժեքավոր մասը սիրային ու բնութիանը նվիրված երգերն են, այդ թվում նաև վարդի ու սոխակի ավանդական այտժեի մշակումները:

Ինչպես XVI—XVII դդ. մի շարք այլ հեղինակներ, Մուքիասը ևս սիրային տաղերում իր հոգեբանությամբ ու աշխարհիկ մտայնությամբ բավական տարբեր է տաղերգուներից: Նրա համար սերն այլևս արգելված պտուղ չէ և ոչ էլ կինն անհասկանալի ու տենչալի արարած<sup>18</sup>, իր ժամանակակիցների նման նա ևս արտացոլում է իր սիրո պատմությունը՝ դրան հատուկ ազդեցություններով ու տեղատվություններով: Սիրային տաղերից երևում է, որ նա ոչ միայն սիրել, այլև ճաշակել է սիրո վայելքը: Դրա վկայությունն է, օրինակ, «Ե՛ք սիրող յագիլ երբեք, ե՛րբ իցի, սէր իմ, ե՛րբ իցէ՝ սկսվածքով ոտանավորը<sup>19</sup>, որտեղ ափսոսում է անցած սիրո քաղցր պահերի կորուստն ու պատկերում վայելքի և տարվանքի կարոտը.

Արեկ, արեկ, ո՛վ իմ սիրուն սիրելի,  
սէր իմ, սիրելի,  
Կցորդ լեր ինձ, տառապկոյս փարե՛նի,  
սէր իմ, փարելի,  
Արժանացս սիրող նախնոյ, նազելի,  
սէր, իմ նազելի,  
Համբուրելով զրկախառնիլ ե՛րբ իցէ,  
սէր իմ, ե՛րբ իցէ՛,  
Մինչդեռ յիցեմ կապեալ մահու ստուերէ,  
սէր իմ, ստուերէ,  
Փարիլ ի գիրկս տարփայլոյդ, ե՛րբ իցէ,  
սէր իմ, ե՛րբ իցէ...:

Մուքիասի սիրո տաղերի մեկ այլ գիծը, որ հատուկ է առհասարակ XVI—XVII դդ. սիրո և սրբերին, այն է, որ նա կնոջը դիտում է ոչ թի որպես սոսկ սիրո առարկա, այլ որպես սիրո հարցում տղամարդուն հավասար, մտածող ու զգացող էակ, նկարագրում է նրա ապրումները, զնահատում և ակնածում նրանից: Օրինակ, վերը հիշատակված ոտանավորում նա խոստովանում է, որ ինքը մեղավոր է, քանի որ ծանր պահին ոչ միայն չի մխիթարել սիրած կնոջը, այլև լացացրել է: Դորովալից սիրո ու վշտակցության գողտրիկ արտահայտություն է «Ենձի նման լալոտ աչոք ընդե՛ր ես սկսվածքով բանաստեղծությունը<sup>20</sup>, որտեղ նկարագրելով սիրած կնոջ վրեժը, Մուքիասն աշխատում է մխիթարել նրան և հորդորում կրկին դառնալ դեպի կյանք.

17 Մեջբերումը՝ մեր կազմած քննական բնագրից:  
18 Ավելի մանրամասն տե՛ս Հ. Սահակյան, Նշվ. աշխ., էջ 171—209:  
19 Մատենադարան, ձեռ. № 1067, Թ. 21ա—23բ, ձեռ. № 10723, Թ. 64բ—65ա, ձեռ. № 2436, Թ. 126ա—129ա, ձեռ. № 7259, Թ. 12ա—12բ, ձեռ. № 7670, Թ. 19բ—20ա, ձեռ. № 6588, Թ. 21ա—22ա, ձեռ. № 9536, Թ. 122բ և «Դիրք դպրութեան և տաղարան վայելու...», 4. Պոլիս, 1714, էջ 235—236:  
20 Մատենադարան, ձեռ. № 1635, Թ. 18ա—18բ, ձեռ. № 9597, Թ. 42բ—43բ:

Քեզ վայելուչ չէ լալն, դու է՞ր կոծ կանես,  
 Քեզ վայել է խնդալ, ընդէ՞ր աշխարես, աշխարես,  
 Քեզ վայել է բեհեզ, է՞ր սև արկանես.  
 Մի՛ լար, ազրմ, մի՛ լար ալոզպէս վշտալի, վշտալի:  
 Այսուհետև մի՛ լար, հոգիդ կու սիրես,  
 Սրբեա զարտօսրդ աշաց քո, կու սիրես, կու սիրես...

Ինչպես տեսնում ենք, դեպի կյանք դառնալու դրդապատճառը Սուքիասը սերն է համարում, այն, որ վշտահար կիկը սիրո տեր է՝ «կու սիրեա»: Ինչ վերաբերում է գորովալից կարեկցանքին, ապա բանաստեղծը դա խտացնում է, յուրաքանչյուր կրկնակում օգտագործելով մի քնքույշ բառ, մի սրտալի կոչական՝ դրանք առնելով ժողովրդական-խոսակցական լեզվից՝ «նազլըմ», «օմբում», «տոստըմ», «իմ տուն», «ազրմ», «սիրուն», «արև» և այլն:

Այս և նախորդ ոտանավորներում չկա կնոջ արտաքին բարեմասնութունների նկարագրություն, որն այնքան հատուկ էր տազերգությանը: Ու զա հասկանալի է, քանի որ, ինչպես նրա շատ ժամանակակիցների, Սուքիասի համար ևս գլխավորն այլևս կնոջ մարմնական բարեմասնութուններով հիանալու զգացումը չէ, այլ սիրո ու վայելքի հոգեբանական նրբերանգների դրսևորումը: Ընդ որում, այդ սերը մեծարելի է հենց նրանով, որ կենսատու է ու կենսահաստատա, աշխարհային՝ այս բառի ամենալայն իմաստով, քանի որ հակադրվում է մահվանն ու գրա պատճառած վշտին, միահշուտվում ուրախության, նրջանկության պահանջին, որ բանաստեղծը պարտադիր է համարում ոչ միայն մարմնի, այլև հոգու համար:

Սիրով տամ քեզ խրատ, թէ ինձ կու լսես,  
 Ի բաց լեր ի լալուդ, թէ միտ կու դնես; կու դնես,  
 Հոգւոյ, մարմնոյ խնդալն է պարտ, թէ գիտես.  
 Մի՛ լար, իմ տուն, մի՛ լար ալոզպէս զարնճի, զարնճի:

Այսպիսով, լինելով շերտեանց հավատացյալ, ունենալով հոգեւոր կոչում, Սուքիասն իր այս հումանիստական հորդորով ևս, փաստորեն, հակադրվում է քրիստոնեական մտայնությանը: Այսինքն՝ այս դեպքում ևս գործ ունենք այն փոփոխութունների հետ, որ պատմական նոր շրջանում, նոր հարաբերութունների հետեանքով կատարվել էին մարդկանց հոգեբանության ու մտածողության մեջ: Սուքիասի այս տաղն իր քնարականութամբ ևս շահեկանորեն տարբերվում է նրա կրոնաբարոյախոսական ոտանավորներից: Այստեղ և՛ կարեկցանքի, և՛ գորովալից սիրո արտահայտություններն անմիջական են, անսեթևեթ. դա նկատվում է հատկապես կրկնակ տողերում, որոնք բանազրոսիկ չեն, ոչ էլ խճողված ձևական հնարաններով և օրգանապես շարունակում են, ընդգծում ու լրացնում յուրաքանչյուր տան մեջ արտահայտված միտքը: Դժբախտաբար մեզ թերի է հասել Սուքիասի «Տաղ վասն ուրախութեան մարդկան ի Սուքիասէ» խորագրով ուտանավորը<sup>21</sup>, որտեղ թեև չկա սիրո խոստովանութուն, բայց դրա փոխարեն առկա է սիրելի կնոջ ապրումների նկարագրությունը:

Շտապելով, շտապելով հազի հասի յայգին,  
 Ուր գտի լալապին զքոյրն քաղցրապին:  
 Իբրև ետես նա զիս, իսկոյն բերկրեցաւ,  
 Առեալ ողջոյն սիրոյ, մխիթարեցաւ,  
 Միծաղելով, ծիծաղելով երեր սափոր գինոյն,  
 Առ ոտս վարդենայն և խնձորենոյն...

Նորն այստեղ նաև այն է, որ սիրո վայելքը զուգակցվում է բնության գեղեցկութուններից ստացած հաճույքի և աշխարհիկ զվարճութունների՝ երգի, պարի, կեր ու խումի հետ:

Իբրև ես ըմպէի և խրախանայի,  
 Առեալ զհոտ ծաղկանց զուարճանայի,  
 Ցանկարծապի, յանկարծակի լուայ զերգս թռչնոց,  
 Համաձայնելոց ի միջոյ ծառոց:

21 Նույն տեղում, ձեռ. Պ 9597, Բ. 41ա—41բ:

Ընդ որս ձայնակցեալ և ես գռչէի,  
 Զթոյրն իմ շնորհալի գովաբանէի,  
 Մափս հարելով, ծափս հարելով մինչև իսկ կազմեցաւ,  
 Սեղան կազմեցաւ և զարդարեցաւ

Իր թեմայով Սուքիասի այս բանաստեղծութիւնն աղերսովում է նաղաշ Հովնաթանի ուրախութեան տաղերին, սակայն եթէ նաղաշի երգերը հորինված են ժամանակի ժողովրդական, կենդանի լեզվով, ապա Սուքիասը գրում է այսպես կոշված սպարզ գրաբարով և կիրառում մի շարք ձևական հնարանքներ, որոնք ինչ որ չափով վնասում են բանաստեղծութեան անմիջականութեանն ու հուղականութեանը:

Իրենից փոքր ինչ վաղ հանգես եկած բանաստեղծներ Ստեփանոսի, Խասպեկ Խաչատուրի և Սիմեոն Կաֆուցցու նման Սուքիասը ևս ունի վարդի և սոխակի սիրավեպի մշակումներ: Սրանք, բացի թէ ձեռաց վարդին գանգատ պիւպիւլին՝ սկսվածքով ոտանավորից<sup>22</sup>, որը տաղերգութեան համանման երգերի մի կրկնութիւն է, բավականաչափ հետաքրքիր են որպէս սլուծեթի՝ ուշ շրջանում ստեղծված ինքնատիպ մշակումներ: Սրանցում Սուքիասը սիրավեպի երկու քնարական հերոսների կերպարները կոնկրետացնում է ավելի շուտ ոչ թէ ավանդական երկխոսութիւնների կամ վարդի ու սոխակի միջև իրո տեղի ունեցած նամակագրութեան ձևով, այլ նկարագրում է սիրո ընթացքն ու հեղինակային խոսքով գնահատում սիրահարներին: Օրինակ՝ թէ գրախտէն անմահ կենացս սկսվածքով ոտանավորում<sup>23</sup> նա ինքն է ներկայացնում վարդին ու սոխակին.

Ի դրախտէն անմահ կենաց,	Որ և տարին բուն լուռ եկաց,
Թուչուն 'մ եկեալ առ մեզ եկաց,	Միայն գարնան ամսոյն եբաց,
Զանունն պիւպիւլ բացածայնեաց,	Յայգին բոլոր և պարտիզաց,
Անուշ երգով եղանակեաց...	Շրշէր, խնդրէր ի մէջ ծաղկանց:

Կրանից հետո է միայն, որ սոխակը մի քանի հիացական բառերով դիմում է վարդին.

Ո՛ւր ես, իմ վարդ, գունով ընտրած,  
 Հոտով սպինու, բժիշկ ախտաց...  
 Իմ սիրուն վարդ և զարդարած,  
 Դու թագաւոր ամէն ծաղկանց...

Թէ գարնանային ամսին՝ մարտին, ապրիլին՝ տողով սկսվող ոտանավորում<sup>24</sup> նույնպես երկխոսութեան ու նամակագրութեան ձև է չկա: Այստեղ վարդի զեղեցկութեան նկարագրութիւնն սկսվում է հեղինակային խոսքով: Ընդ որում՝ Սուքիասը վարդին պատկերում է նորաբաց գարնան համայնապատկերի մեջ.

Ի գարնանային ամսին՝ մարտին, ապրիլին,  
 Մալխսին ուժգին երկիրս է աղին,  
 Մառք և տունկը փթթին կանաչ սաղարթին,  
 Մաղկունք բուրբին, պարեն շուրջ վարդին:

Սրան հետևում է սոխակի մենախոսութիւնը, նրա սիրո խոստովանութիւնն ու վարդի գովաբ-

Ո՛ւր ես, ո՛վ իմ վարդ, իմ սիրտ և հոգին,  
 Ո՛ւր ես, նազելի և իմ սէր սրտին,  
 Ո՛ւր ես հեռացեալ աչաց անտեսին,  
 Զիս թողեր լքեալ ողբով լալազին...

22 Նույն տեղում, ձեռ. Ձ 1635, Թ. 35բ—37ա:

23 Նույն տեղում, Թ. 37ա—38ա:

24 Նույն տեղում, Թ. 30ա—31ա:

Ա՛յ իմ գեղեցիկ վարդ ծիրանաձին,  
 Երևիս փառօք արքայականին,  
 Միծաղածաւալ զուարթ պայծառին,  
 Վայել է խնդալ քեզ ընդ պիւպիւպին:

Սուքիասի ոտանավորների մեջ այս սյուժեի յավագույն մշակումը «Տաղ պիւպիւպի և վարդի ասացեալ ի Սուքիաս վարդապետէ» խորագրով ոտանավորն է<sup>25</sup>, որն իր ամբողջութիւն մեջ նույնպէս լիովին չի համապատասխանում վարդի և ոտխակի ավանդական սիրավեպին: Այստեղ ևս բանաստեղծն ակտիվ գործողութիւն մեջ չի դնում իր հերոսներին, այլ նրանց դիտելով որպէս սիրո կրողներ, այդ զգացման խորհրդանիշներ, սովելի շատ ինքն է զովաբանում մեկի բույրն ու գերազանցութիւնը շրջապատի ծաղիկներից, մյուսի քաղցրաձայն երգը.

Իմ սիրուն պիւպիւլ աննման,  
 Քաղցրաձայն թռչուն պատուական,  
 Եղանակես երգ զանազան.  
 Ա՛յ սիրուն պիւպիւլ աննման,  
 Քան զամէն թռչուն պատուական:  
 Սիրուն վարդ, կարմիր, քաղցրատես,  
 Գունով գեղեցիկ, պայծառ ես,  
 Ամէն ծողկանց թաղաւոր ես.  
 Ա՛յ սիրուն վարդիկ աննման,  
 Քան զամէն ծողկանց պատուական:

Ու միայն մերթ ընդ մերթ է նա իր հեղինակային զնահատականներն ընդմիջարկում սոխակի ու վարդի երկխոսութիւններով, որոնք ավելի անկեղծ ու անմիջական են դարձնում ոտանավորը, հուզում իրենց թափանցիկ այլարանութիւնը, որի մեջ այլևս կրոնական երանգ չկա, այլ չեմք սիրո զգացումն է արտացոլւած.

Քունն եղեր հարամ աչերուս,  
 Գիշեր-ցորեկ զարթուն մնալուս,  
 Շար շնաց համբերելուս.  
 Ա՛յ սիրուն պիւպիւլ աննման,  
 Քան զամէն թռչուն պատուական:

Իմ գեղեցիկ վարդ անուշիկ,  
 Ե՛րբ կու տեսնեմ զքո երեսիկ,  
 Եկ մեր այգին, եղիւ հիւրիկ.  
 Ա՛յ սիրուն վարդիկ աննման,  
 Քան զամէն ծողկանց պատուական:

Այս ոտանավորում միահյուսվում են սիրո և բնութիւն մոտիվները. Սուքիասն այստեղ համոզում և հուզում է ապրումի դրսևորման անկեղծութիւնը, խոսքի անկաշկանդութիւնը ու ժողովրդական ճրանգներով: Այստեղ ևս նոր ժամանակների պահանջներին համաձայն, շատ փոփոխութիւններ է կրել ավանդական սյուժեն՝ թոթափելով կրոնական ենթամաստն ու դառնալով սիրո և աշխարհիկ վայելքի բանաստեղծական արտահայտութիւն:

Նույնը, թերևս ավելի ընդգծւած, նկատում ենք Սուքիասի բնապաշտական երգերում, որոնցից մեկն է «Ի զրօսանս հեշտութեան տեսութեան աչացք տողով սկսվող ոտանավորը»<sup>26</sup>, նոր ժամանակներում բանաստեղծի հոգեբանութիւնն ու մտահայացքի մեջ տեղի ունեցած փոփոխութիւնները մասին ավելի հստակ պատկերացում կազմելու համար համադրենք Սուքիասի

<sup>25</sup> Մատենադարան, ձեռ. № 10167, Թ. 36ա—37ա, ձեռ. № 9597, Թ. 41բ—42բ, ձեռ. № 9362, Թ. 2ա—2բ... և այլն, ընդամենը 21 տարբերակ և «Գրքուկս, որ կոչի տաղարան», Կ. Պոլիս, 1740, էջ 351—353:  
<sup>26</sup> Մատենադարան, ձեռ. № 1635, Թ. 24բ—25ա և ձեռ. № 6588, Թ. 56բ:



այս բանաստեղծությունն ու Հովհաննես Բլկուրանցու «Աստուած անսկիզբ և անսահման» սկիզբածքով տաղը, որին գուցե և ծանոթ է եղել Սուքիասը: Երկու հեղինակներն էլ գովերգում են բնության ընձևեռած բարբերները, սակայն տարբերություն կա նրանց գովերգությունների մեջ: Սուքիասի տաղանդավոր նախորդը մի տեսակ հեռավից հիացողի հույզն է արտահայտում՝ ոչ մի վայրկյան շմոռանալով և անընդհատ հիշեցնելով, որ բնության բոլոր հրաշալիքները արդյունք են «անսկիզբ և անսահման» աստծո արարչագործության.

Կակղացան ծառոց ուժտունքն,  
Մէկ հետ մէկի մըրդունք հասան.  
Թուֆն յառաջնաց քան ըզհարւան,  
Կեռասն աղեղ էր ի նման.  
Միշմիշն ի ծառն դեղնեցան  
Ի՛յայտ խնձորնիդ կարմրեցան:  
Մըրդունքն ըղտանձն խոտեցին՝  
Մինչ հասանէ կայր անասան:  
Ընկուզն, յունսպն ու կաստանան,  
Նուշն ու ֆրնտուխն քաղցրացան:  
Նուռն այլ երաց հաղար ակոայն,  
Ապրան ի ծառն կախեցաւ,  
Սերկեկին դեղնեցաւ,  
Խոխն ի կապէն թուլցաւ անկոխ,  
Նարինջն, թուրինչ, լիմոնն գալ  
Եւ դարդմորդուն բառքն բանալ:  
Թէ այտ հեծելտ էր որ անցաւ,  
Կու գալ խաղողըն գովական,  
Ջի սա եհան դմեղ ի դրախտէն,  
Ցործամ եկեր ըզնա Աղամ:  
Ջփականալ դուռն դրախտին  
Կրկին խաղողն եբոց մարդկան...<sup>27</sup> և այլն:

Մինչդեռ Սուքիասը վայելող է, որին ավելի շուտ բնության ընձեռած բարիքները վայելչաւ հնարավորությունն է հաճույք պատճառում: Հենց այդ զգացումով է նա սկսում իր ոտանավորը.

Ի զբօսանս հեշտովքնան տեսութեան աշաց,  
Ճեմեսցուք ի խնճոյս ճախնից և մրգաց,  
Գիմելով դլոգներանգ գոյնս բուրաստսնաց,  
Ջմալիեսցուք ի հոտոց ծաղկանց և մրգաց:  
Ուտելով, ըմպելով քաղցրահամ խորտկաց,  
Թմրեսցուք ի վայելս վարդից, շուշանաց,  
Լսելով զեղանակս թռչնոց, պլպուլեաց,  
Օրհնեսցուք զստեղծող զստուածն բարձանց... և այլն:

Սրանից հետո է միայն, որ նա անցնում է դանազան մրգերի ու պտուղների գովարանությանը՝ ամեն վայրկյան ակնարկելով, որ ինքը ճաշակել է ու ճաշակելիս մեծագույն հաճույք է ստացել.

Ի հաաշար ծառատունկ պտղատու մայրեաց,  
Գովեսցուք զխնձորն քժիշկ հիվանդաց  
Եւ զտանձն ընդ նմին քաղցրահամ շաքարած,  
Սիրեսցուք և զթուզն անդռ զկորդաք:

<sup>27</sup> Տե՛ս Հովհաննես Բլկուրանցի, Տաղեր, աշխատասիրությունը էմ. Պիվագյանի, Երևան, 1960, էջ 167—168:

Քան զնուշն անուշիկ ընաւ չէ հղած,  
 Սասացուք և նաան համն ու հոտն օրհնած,  
 Սալորին ազգ և ազգ տեսակն է զրած,  
 Համբուրեմ զդեղձին կարմիր սլտն օրհնած:

Իսկ կիլան, որ կարմիր զունդ-զունդ է կապած,  
 Եկ տեսցուք և զընկոյզն, որ բարձր է կախած,  
 Թթենույն զտերեն զոմաշ է շինած,  
 Ջարմասցուք ձիթենույն իւղոյն պարարած:

Առ խաղողն զի՞նչ ասեմ, յամնկից սիրած,  
 Հմպեսցուք ղզինին բաժակ անուանած,  
 Կիմոնին, թուրինճին հոտիկն է զոմած,  
 Կերիցուք զծիրանն սակաւ սակաւաց... և այլն:

Նշված առանձնահատկություններով Սուրիասի այս բանաստեղծությունն աղերսվում է մեր միջնադարյան բանաստեղծության լավագույն երկերից մեկին՝ Դավիթ Սալաձորցու «Ծովասանք ծաղկանց» ստեղծագործությանը:

Այսպիսով, Սուրիասը XVII դ. նշանավոր քերթողներից մեկն է: Նրա բանաստեղծությունները առանձնակի հետաքրքրություն հեն երկայացնում որպես զեղարվեստական արտահայտություն այն փոփոխությունների, որոնք, ժամանակի պահանջների թելադրանքով, տեղի էին ունենցել մարդկանց մտածողության և հոգեբանության մեջ: Սուրիասի ստեղծագործությունը ևս վերկայությունն է այն իրողության, որ XVII դ. երկրորդ կեսում կրոնական-ասկետական մտայնությունն այլևս առաջվա ուժն ու տարածումը չունեի: Դրա փոխարեն անսրող ու տիրականորեն իր պատշաճ տեղն էր նվաճել սիրո և վայելքի փառաբանությունը, որն իր հետ բերել էր նաև արտահայտման սրաարուխ, անմիջական եղանակ՝ հաճախ համեմված ժողովրդական լեզվաձևերով: Սուրիասի տաղերի զգալի մասը համահունչ է ժամանակի լավագույն բանաստեղծների ստեղծագործություններին և նրանց հետ միասին նախապատրաստել է XVIII դ. անշխարհիկ քնարերգության ձևավորումը:

## ПОЭТ XVII в. СУКИАС

АСМИК СААКЯН

### Резюме

Творчество поэта XVII века Сукиаса по сей день остается почти не изученным. Из его поэтического наследия до нас дошло 53 стихотворения, посвященных темам покаяния, любви к природе. В них ярко отражены изменения, происшедшие в XVI—XVII веках в армянской поэзии благодаря новым социально-экономическим отношениям: религиозное мировосприятие постепенно отходит на второй план, уступая место светскому.

Сукиас принадлежит к числу тех поэтов, которые подготовили почву для зарождения армянской светской лирики XVIII века.